

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

Хорижий давлатларда таълим олганлик тўғрисидаги хужжатларни тан олиш ва нострификациялаш (эквивалентлигини қайд этиш) тартиби тўғрисида Низомга ўзгартиришлар ва қўшимчалар киритиш ҳақида

Хорижий давлатларда таълим олганлик тўғрисидаги хужжатларни тан олиш ва нострификациялаш (эквивалентлигини қайд этиш) тартибини янада такомиллаштириш мақсадида Вазирлар Маҳкамаси қарор қиласди:

1. Вазирлар Маҳкамасининг 2000 йил 25 июлдаги 283-сон қарори (Узбекистон Республикаси КТ, 2000 й., 7-сон, 42-модда) билан тасдиқланган Хорижий давлатларда таълим олганлик тўғрисидаги хужжатларни тан олиш ва нострификациялаш (эквивалентлигини қайд этиш) тартиби тўғрисида Низомга иловага мувофиқ ўзгартиришлар ва қўшимчалар киритилсин.

2. Ўзбекистон Республикаси Вазирлар Маҳкамаси ҳузуридаги Давлат тест маркази манфаатдор вазирликлар ва идоралар билан биргалиқда бир ой муддатда норматив-хукуқий хужжатларини ушбу қарорга мувофиқлаштирунлар.

3. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари _____ зиммасига юклатилсин.

**Ўзбекистон Республикасининг
Бош вазири**

А.Арипов

Вазирлар Маҳкамасининг
20___ йил “___” _____ даги
____ -сон қарорига
ИЛОВА

**Хорижий давлатларда таълим олганлик тўғрисидаги хужжатларни тан олиш ва
нострификациялаш (эквивалентлигини қайд этиш) тартиби тўғрисидаги Низомга
киритиладиган ўзгартеришлар ва қўшимчалар**

1. 5 ва 8-бандлар “ўрта маҳсус” сўзларидан кейин “касб-хунар” сўзи билан тўлдирилсин.

2. 6-банд қуйидаги тахтирда баён этилсин:

“6. Хорижий давлатларнинг умумий ўрта таълим босқичлари хужжатларини тан олиш Қорақалпоғистон Республикаси Халқ таълими вазирлиги, вилоятлар халқ таълими бошқармалари ва Тошкент шаҳар халқ таълими бош бошқармасида, хорижий давлатларнинг тўлиқ ўрта (тўлиқсиз ўрта, ўрта) маълумот олганлик тўғрисидаги хужжатларини тан олиш Қорақалпоғистон Республикаси, вилоятлар ва Тошкент шаҳар ўрта маҳсус, касб-хунар таълими ҳудудий бошқармаларида ташкил этиладиган комиссиялар томонидан ариза ва маълумот тўғрисидаги хужжатнинг асл нусхаси, унинг нотариал тасдиқланган давлат тилидаги таржимаси асосида мурожаат қилинган кундан бошлаб энг кўпи билан икки ҳафта муддатда амалга оширилади. Комиссия хулосаси Бошқармага юборилади ва уч кун муддат ичида тегишли қарор қабул қилишга асос бўлади. Комиссиялар бутун ўқув йили давомида фаолият кўрсатади ва ўз иши ҳақида Бошқармага ҳисобот беради.”

3. 6-банд қуйидаги 6¹- кичик банд билан тўлдирилсин:

“6¹. Қорақалпоғистон Республикаси, вилоятлар ва Тошкент шаҳар ўрта маҳсус, касб-хунар таълими ҳудудий бошқармаларида ташкил этиладиган комиссиялар томонидан хорижий давлатларнинг ўрта таълим муассасаларида 10, 11, 12 ва ундан юқори синфларда таълим олган талабгорларнинг хужжатлари таълим олганлик тўғрисидаги баҳолар табели (маълумотнома) ёки шаҳодатномага асосан тан олинади ва нострификация (эквивалентлигини қайд этиш) қилинади. Бунда 10 ва 11-синф битирувчисининг маълумот тўғрисидаги хужжатлари тегишли равишда академик лицейнинг 1 ва 2-босқичини тугатганлигига ҳамда 12 ва ундан юқори синф битирувчисининг хужжатлари ўрта маҳсус маълумотга тенглаштирилиши мумкин.”

4. 7-банддаги “(“Умид” жамғармаси тавсияси билан, давлатлараро битимлар орқали ва бошқалар)” сўзлари “(Ўзбекистон Республикасининг халқаро шартномалари, Ўзбекистон Республикаси Президентининг ва Вазирлар Маҳкамасининг қарорлари ва фармойишлари, Вазирлар Маҳкамасининг баённомалари)” сўзлари билан алмаштирилсин.

5. 9-банд қуйидаги тахтирда баён этилсин:

“9. Хорижий давлатларда ўрта маҳсус, касб-хунар ва олий таълим олганлик тўғрисидаги хужжатларни нострификациялаш ҳақидаги аризага (2-иловага мувофиқ) қуйидагилар илова қилинади:

хужжат эгасининг шахсини тасдиқловчи хужжат нусхаси;

маълумот тўғрисидаги хужжат ва унинг иловасининг асл нусхаси (ўтилган ўкув курслари ва уларнинг ҳажми, якуний баҳолар, амалиёт, курс ва битирув малака ишлари рўйхати, ўкув жараёнининг бошқа бажарилган талаблари кўрсатилиши лозим);

маълумот тўғрисидаги хужжат ва унинг иловасининг Ўзбекистон Республикаси давлат тилига нотариал тасдиқланган таржимаси;

таълим тўғрисидаги хужжатларни тан олиш ва эквивалентлигини қайд килиш учун тўлов тўланганлигини тасдиқловчи хужжат.

Ариза қабул қилингандан кейин маълумот тўғрисидаги хужжат ва унинг иловасининг асли хужжат эгасига қайтарилади..”

6. 13-бандда:

қуйидаги мазмундаги тўртинчи хатбоши билан тўлдирилсин:

“таълим олганлик тўғрисидаги хужжат Ўзбекистон Республикасида амалда мавжуд бўлган таълим шаклида ўқиб олинган бўлиши;”;

тўртинчи хатбоши бешинчи хатбоши деб ҳисоблансин;

куйидаги мазмундаги олтинчи хатбоши билан тўлдирилсин:

“Белгиланган талабни бажарилмаслиги таълим тўғрисидаги хужжатни тан олмасликка асос бўлади.”.

7. 18-бандда:

биринчи хатбошидаги “қабул қилиниши мумкин” сўzlари “қабул қилинади” сўzlари билан алмаштирилсин;

тўртинчи хатбоши қуйидаги мазмундаги тўртинчи ва бешинчи хатбошилар билан алмаштирилсин:

“маълумот Ўзбекистон Республикаси қонунчилигига кўзда тутилмаган ёки ушбу таълим йўналиши (мутахассислиги) бўйича Ўзбекистон Республикасида амалда кўлланилмаётган таълим шаклида олинган бўлса.

Шунингдек, айрим холларда муайян таълим йўналишларининг ҳусусияти, давлат ва жамият учун аҳамиятидан келиб чиқиб, ўзлаштирилган ўкув фанлари ҳажми ва дарс соатлари миқдори Ўзбекистон Республикасининг давлат таълим стандартларига мувофиқ белгиланган тартибда тасдиқланган намунавий ўкув режанинг 55 фоизидан кам қисмини ташкил қиласа, эксперт комиссияси хорижий давлатларда таълим олганлик тўғрисидаги хужжатларнинг эквивалентлиги тўғрисидаги салбий хulosаси бериши мумкин.”

8. 20-банднинг “Хужжат эгаси” сўzlаридан кейин “ёки унинг нотариал тасдиқланган ишончномага эга бўлган қонуний вакили” сўzlари билан тўлдирилсин.

9. Қуйидаги мазмундаги 23¹ ва 23²-бандлар билан тўлдирилсин:

“23¹. Эксперт комиссияси хужжатларни экспертизадан ўтказиш натижасида талабгор томонидан тақдим этилган хорижий давлатларда таълим олганлик тўғрисидаги хужжатларнинг белгиланган талабларга жавоб бериши ёки бермаслиги ҳақида хulosаси беради.

Эксперт комиссиясининг хulosаси талабгорларга ёзма равища маълум қилинади.

Ижобий хulosаси олган талабгорлар махсус синовда иштирок этиш учун Давлат тест марказига махсус синовлар ўтказиладиган кунидан камида ўн кун олдин ёзма равища мурожаат қилиши керак.

23². Халқаро тан олинган ташкилотларнинг олий таълим муассасалари рейтингига биринчи 500 талик рўйхатига киритилган ҳамда Ўзбекистон Республикаси худудида

Ўзбекистон Республикаси Президенти, Вазирлар Маҳкамаси қарорлари билан филиаллари ташкил этилган хорижий давлатларнинг олий таълим муассасалари битирувчиларининг дипломлари тўғридан-тўғри (махсус синовларсиз) ностирификацияланади.

Таълим тўғрисидаги хужжатлари тўғридан-тўғри ностирификацияланадиган таълим муассасалари рўйхати ҳар йили эълон қилинадиган халқаро тан олинган ташкилотларнинг олий таълим муассасалари рейтинги асосида Олий ва ўрта махсус таълим вазирлиги ҳамда Давлат тест марказининг қўшма қарори билан ҳар йили сентябрь ойида белгиланади.

10. 24 ва 25 -бандлар қуидаги таҳрирда баён этилсин:

“24. Эксперт комиссияси ностирификация учун тақдим этилган таълим хужжатини ушбу Низомнинг 15-бандига мувофиқ маҳсус экспертизадан ўтказиш натижасида маҳсус синовлар ўтказиладиган фанларни белгилайди ва ушбу тўғрисида Бошқармага таклиф киритади.

Махсус синовлар эксперт комиссияси ёки унинг вакили иштирокида ўтказилади.

Махсус синов натижаларига кўра 55 фоиз ва ундан кам балл тўплаган талабгорларнинг таълим тўғрисидаги хужжатлари ностирификациялашга тавсия этилмайди.

Махсус синовлар натижасидан норози бўлган талабгор синов натижалари эълон қилинган кундан бошлаб уч иш куни ичида эътиroz аризаси билан мурожаат қилиши мумкин.

Махсус синовни ташкил этиш ва ўтказиш бўйича эътиrozлар синов ўтказилган куни берилиши лозим.

Махсус синовлар натижаси бўйича тушган эътиroz аризалари Давлат тест маркази директорининг буйруғи билан ташкил этилган комиссия томонидан икки хафта ичида кўриб чиқилади ва ёзма равишда муаллифга жавоб юборилади.

Эксперт комиссияси қарорига мувофиқ маҳсус синовлар натижасига кўра хужжатлари ностирификациялашга тавсия этилмаган талабгорлар белгилangan тартибда маҳсус синовларни топшириш учун қайта мурожаат қилишлари мумкин.

25. Эксперт комиссияси хорижий давлатларнинг таълим тўғрисидаги хужжатларини ўрганиб чиқиб, мазкур Низомнинг 24-бандида назарда тутилган синовлар натижаларини инобатга олган ҳолда таълим олганлик тўғрисидаги хужжатни ностирификациялашга тавсия этиш ёки тавсия этмаслик тўғрисида хulosha тайёрлайди ва уни Бошқармага тақдим этади.”

11. 27-банд қуидаги мазмундаги иккинчи-бешинчи хатбошилар билан тўлдирилсин:

“Хорижий давлатларда таълим олганлик тўғрисидаги хужжатлар тан олинганда ва ностирификация қилинганда (эквивалентлиги қайд этилганда) қуидаги давлат намунасидаги гувоҳномалар расмийлаштирилади:

умумий ўрта маълумот тўғрисидаги шаҳодатномани ностирификациялаш ҳақида давлат намунасидаги гувоҳнома 3-иловага мувофиқ;

10, 11, 12 ва ундан юқори синф баҳолар табели (маълумотнома) ёки шаҳодатномани ностирификациялаш ҳақида давлат намунасидаги гувоҳнома 4-иловага мувофиқ;

ўрта маҳсус, касб-хунар маълумоти тўғрисидаги дипломини ностирификациялаш ҳақида давлат намунасидаги гувоҳнома 5-иловага мувофиқ;

олий маълумот (дипломли мутахассис, бакалавр ва магистр) даражасидаги дипломини ностирификациялаш ҳақида давлат намунасидағи гувоҳнома 6-иловага мувофиқ.”

12. 29-банд қуйидаги таҳрирда баён этилсин:

“29. Ариза берувчининг ҳужжатларини кўриб чиқиш ва экспертизадан ўтказиш муддати ариза кабул қилинган кундан бошлаб бир ойдан ошмаслиги керак.

Таълим олганлик тўғрисидаги ҳужжат берган таълим муассасаси, маҳаллий ва хорижий ташкилотлардан аниқлаштирувчи ҳужжатларни олиш талаб этилган ҳолларда маҳсус экспертизадан ўтказиш муддати аниқлаштирувчи ҳужжатлар олинган кундан бошлаб ҳисобланади.”

13. 30-баннадаги “унинг топшириғига биноан керакли ҳужжатларга” сўзлари “нотариал тасдиқланган ишончномага” сўзлари билан алмаштирилсин.

14. 32-банд қуйидаги таҳрирда баён этилсин:

“Ўрта маҳсус, касб-хунар ва олий таълим тўғрисидаги ҳужжатларни тан олиш ва эквивалентлигини қайд қилиш учун амалдаги белгиланган энг кам ойлик иш ҳақи миқдорида тўлов ундирилади.”

15. Қуйидаги мазмундаги 2, 3, 4, 5 ва 6-иловалар билан тўлдирилсин: